

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

Chapter 9 ADAM'S FAMILY IN THE DISPENSATION FOR RESTORATION

SURA YA 9 FAMILIA YA ADAM KATIKA MPANGO WA MUNGU WA UKOMBOZI

Mpango wa Mungu wa kukomboa na kuokoa mtu kwa kumtuma Masihi ulikuwepo tangu muda anguko lilipotokea. Hivyo toleo lake la kuanzisha Msingi kwa ajili ya Masihi ulianza katika familia ya Adam.

I. MSINGI WA IMANI.


Kwa kuwa alikuwa ni Adam ambaye hasa alitenda Dhambi ya Asili, na si Kaini au Abeli, Adam angekuwa mtu wa kuwajibika kukomboa Msingi wa Imani kwa kufanya Sadaka Inayohitajika kwa Mungu. Kuhitimishwa au kutokuhitimishwa kwa Msingi wa Imani kungeamuliwa kufuatia iwapo Adam angefanya matoleo ya sadaka yake inayostahili.

A. Utenganisho kwa ajili ya Sadaka


Hata hivyo katika Biblia hakuna kumbukumbu za Adam kutoa sadaka. Sadaka zilitolewa na Kaini na Abeli. Kwa nini ?

Kufuatana na 'Kanuni ya Uumbaji' mtu aliumbwa ahusiane na Bwana mmoja. Hivyo, Mungu hawezi kufanya kazi ya toleo la kanuni pamoja na mtu aliye na uhusiano na Bwana wawili. Kama ilivyofafanuliwa mapema, katika sura yenye somo 'Mwandani Mwa Kanuni za Toleo la Ukombozi', pamoja na kwamba Adam aliumbwa na Mungu, alitokea baadae kuwa na ubini wa shetani, na hivyo alikuwa katikati, alikuwa na mahusiano pande mbili, kwa Mungu na kwa Shetani.

Kwa kuwa Adam alikuwa mwilisho wa pande mbili za wema na uovu, kama Mungu angejaribu kufanya naye kazi, Adam na sadaka yake, Shetani naye angejaribu kufanya naye kazi na sadaka yake kwa misingi ya kuwa Adam ni wa ubini wake. Kama hili lingetokea, Adam angekuwa katika nafasi ya kufanya kazi na mabwana wawili, na hivyo katika nafasi isiyo ya Kanuni. Hivyo Mungu asingeweka toleo lake kupitia Adam.



Mungu hakuwa na namna nyingine isipokuwa kutenganisha katika vitu viwili vya hulka mbili zinazokinzana za wema na uovu ambazo zilimwilishwa ndani ya Adam. Mpaka hapo, Mungu alipata mmoja wa wana wa Adam akiwakilisha wema na mwingine uovu*. Na hapo Mungu aliwaweka katika nafasi ambapo mmoja alifanya kazi na Mungu na mwingine na shetani. Kwa maneno mengine, Mungu aliwataka wote sadaka wakiwa katika nafasi zao lakini ambapo kila mmoja alifanya kazi na bwana mmoja.



B. Mwana wa pili katika toleo la Mungu


Wote Kaini na Abeli walikuwa wana (wabini) wa Adam. Na ni yupi kati ya hao wawili atakuwa mwakilishi wa mema na hivyo kuhusiana na Mungu na yupi atawakilisha uovu, na hivyo kuhusiana kishughuli na shetani? Wote Kaini na Abeli walikuwa matokeo ya anguko la Hawa, na swali la nani atawakilisha upande upi uliamuliwa katika msingi wa mchakato wa anguko la Hawa, ambaye aliwajibika kwa anguko. Hawa alihusika katika namna mbili za vitendo vya mapenzi ya anguko (uasherati). Tendo la kwanza lilikuwa uhusiano wake na malaika mkuu, uliosababisha anguko la kiroho, la pili ni uhusiano wake na Adam, uliosababisha anguko la kimwili.

Matukio haya mawili ya anguko yalikuwa makosa, lakini kama tukifikiri lipi lilikuwa 'karibu sana' na kanuni na hivyo kusamehewa kirahisi katika macho ya Mungu, tunganisema ni tukio la pili la anguko ndilo lililokuwa rahisi zaidi kusamehewa, tukio la kwanza la anguko lilichangiwa na tamaa iliyozidi ya Hawa ya kufurahia kitu ambacho hakustahili kuwa nacho kwa wakati huo, ni kwamba lilichangiwa na tamaa yake ya kufunguliwa macho na kuwa kama Mungu (Mwan 3 :7) – kabla ya kukomaa. Pia, katika tendo la kwanza la anguko

uhusiano wa Hawa ulikuwa na malaika mkuu, ambaye kufuatana na kanuni, kamwe hakukusudiwa kuwa mume wa Hawa. Kwa upande mwingine, tendo la pili la anguko lilichangiwa na tamaa ya Hawa kumrudia Mungu baada ya kung'amua uharamu wa asili ya tendo lake

**Ingawa Abeli na Kaini walisimama kila mmoja pande zote mbili za wema na uovu, nafasi zao zilikuwa za mda tu. Kwa kweli wote walikuwa na Dhambi ya Asili na Hulka Anguko – na kwa hiyo wote walikuwa na hulka za uovu na wema.*

la kwanza. Pamoja na hayo, hata kama tendo lilifanywa katika muda punde tu kabla ya muda



aliokuwa ameupanga Mungu, ulikuwa ni uhusiano kati ya Adam ambaye kufuatana na mpango wa Mungu, ndiye hatimaeangepaswa kuwa mchumba wake.

Kwa kuwa Kaini na Abeli walikuwa ni matokeo ya upendo mwovu wa Hawa, Mungu aliwaweka katika nafasi zilizowakilisha uovu na wema katika msingi wa matendo mawili ya ngono. Kaini kama tokeo la kwanza la anguko, aliwakilisha tendo la kwanza la kuanguka kwa Hawa, uhusiano pamoja na malaika mkuu, na hivyo aliwekwa katika nafasi ya kuhusiana na Shetani. Abeli aliashiria tendo la pili, ambalo lilikuwa kati ya Hawa na Adam, na hivyo aliwekwa katika nafasi ya kuhusiana na Mungu.

Shetani alipata nguvu ya kudhibiti viumbe vya Mungu kabla ya Mungu hajatawala, na kwa kuwa Shetani ni kiumbe kinyume na Kanuni, alipelekea kuwepo Kanuni – bandia ya dunia kabla Mungu hajadhihirisha dunia ya Kanuni. Kwa hiyo, Mungu alianza toleo lake kwa kuweka mwana wa kwanza ambaye aliashiria tendo la kwanza, katika upande wa shetani na mwana wa pili ambaye aliashiria tendo la anguko, kwenye upande wake. Mungu alimwambia Kaini ‘kwa nini una hasira’, na kwa nini unaghafirika ? Kama ulifanya vizuri, je hautakubaliwa ? na kama hufanyi vizuri dhambi inabisha mlangoni ; tamaa yake yakutafuta wewe, lakini yakubidi kuidhibiti’ (Mwanzo 4 :6-7). Hii inaonyesha kuwa Kaini alikuwa katika nafasi ya kushughulika na Shetani.

Pale waisrael walipokimbilia Misri, Mungu alishambulia vifungua mimba wote wa Misri, na pia ng’ombe zao (Kutoka 12 :29). Tena, Biblia inasema kuwa Mungu ‘alimpenda’ mwana wa pili, Yakobo, na ‘alimchukia’ mwana wa kwanza Esau, wakiwa tumboni mwa mama yao (War 9 :13). Na katika suala la Yakobo kwa wana wajukuu zake Efraimu na Manase, Yakobo aliwabariki kwa kukatiza mikono yake ili mkono wa kulia uwekwe kwenye kichwa cha Efraimu mwana wa pili (Mwan 48 :14). Katika kila tukio la jinsi hii ni mfano wa jinsi Mungu alivyomweka mwana –mzawa wa pili katika nafasi ya kupendelewa.

Katika msingi wa kanuni hii, Mungu alimweka Kaini na Abeli katika nafasi ambazo kila mmoja alikuwa ashughulike na bwana mmoja, na baadae akawaacha kila mmoja atoe sadaka. Mungu alikubali sadaka ya

Abeli (Mwan 4 :4) kwa sababu alikuwa katika nafasi ya kumwakilisha Mungu na alifanya sadaka katika hali inayokubalika (Waheb 11 :4). Kwa njia ya sadaka inayokubaliwa, msingi wa imani ulijengwa katika familia ya Adam na mwana wa pili, Abeli, akiwa katika nafasi ya Adam. Mungu hakukataa sadaka ya Kaini kwa sababu alimchukia Kaini, na wala halikuwa lengo la Mungu kumlaani milele. Hata hivyo kwa kuwa Kaini alikuwa katika nafasi ya kufanya kazi na shetani tu, Mungu hakuweza kufanya kazi naye isipokuwa tu akamilishapo sharti la malipizi ambalo lingemwondoa yeye mwenyewe kutoka kwenye nafasi ya kuhusiana na shetani. Sharti la malipizi ambalo lilikuwa litimizwe na Kaini linaitwa ‘sharti la malipizi la kuondoa Hulka Anguko’.

II. MSINGI WA MATENDO.

Ili familia ya Adam iweke Msingi wa Matendo Kaini ilimbidi atimize sharti la malipizi la kuondoa Hulka – Anguko. Kama angefanya hivyo, Mungu angeweza kukubali sadaka yake (Kaini) kwa furaha.

Kwa kuwa Kaini alikuwa katika upande wa Shetani, asingekuwa mtendewa wa Mungu, ambaye ni mtenda wa wema. Kwa njia ya Kaini kutimiza sharti lililotakiwa ili kuondoa Hulka – Anguko, angerudi katika nafasi ambayo Mungu angeshughulika naye. Je, sharti hili la malipizi la kuondoa Hulka – Anguko lingefanyika vipi ?

Mwanaume na mwanamke wa kwanza walirithi hulka anguko kwa njia ya mahusiano yao na malaika mkuu. Sharti la malipizi la kuondoa hulka anguko lazima lianzishwe kwa ishara ya kugeuza mchakato (hatua) wa anguko.


Malaika mkuu, aliyeumbwa katika nafasi ya mbali zaidi toka kwa Mungu kuliko Adam, ilimbidi ampende Adam sawa kama Mungu alivyofanya, kwa jinsi hiyo angekuwa na mtazamo sawa kama wa Mungu. Ilimbidi ahusiane na Mungu na Adam akiwa muunganishaji wake, na ingembidi ajikamilishe yeye mwenyewe kwa kufuatia njia ya

kimbingu ya kujinyenyekeza mbele za Adam na kumtii. Lakini malaika mkuu hakufanya hivyo. Sharti la malipizi la kuondoa hulka anguko linatimizwa kwa kufanya kinyume chake.

Baada ya Abeli kutoa sadaka yake, Kaini aliwekwa katika nafasi ya malaika mkuu, na Abeli katika ile ya Adam. Kutokana na nafasi hizi sharti la malipizi la kuondoa hulka anguko lingeweza kutimizwa kwa Kaini kumpenda Abeli, kwa kumtii Abeli, na kujinyenyekeza mbele yake Abeli. Kufanya hivyo, kungemleta karibu na Mungu. Lakini, badala yake Kaini alimuua Abeli, alirudia mchakato kama ule wa anguko la malaika mkuu. Hili halikuwa kosa tu la kaka mkubwa kumuua mdogo wake, ilimaanisha upande wa shetani ulishambulia upande wa Mungu, harakati za Mungu kutenganisha wema dhidi ya uovu katika familia ya Adam zilivurugwa, na upande wa wema ulipotezwa.



Lile ambalo Kaini alitakiwa kutimiza lilikuwa sharti la msingi la malipizi ambalo linahitajika kwa kila mtu aliye mbali kutoka mahali alipo Mungu kuja karibu sana naye. Ndani ya kila mtu akili iliyoelekezwa kwenye wema (War 7 :22) imo katika nafasi ya Abeli. Na mwili ambao huelekeza kutumikia 'sheria ya dhambi' (War 7 :25) umo katika nafasi ya Kaini. Ni pale tu mwili utakapojisalimisha chini ya uongozi wa akili na kuitii ndipo watu, kila mmoja ataweza kuwa mwema. Hata hivyo, katika maisha ya mtu wa anguko, mwili mara kwa mara huasi dhidi ya mwongozo wa akili, ukifanya kama alivyofanya Kaini kwa kumuua Abeli, kwa jinsi hii, kulea uovu ndani ya kila mtu.



Sisi kama watu wa anguko, tupo katika nafasi ya Kaini – kwa Masihi. Kwa hiyo, kwa kujinyenyekeza sisi wenywe mbele zake, na kumtumikia, kumtii na kumpenda, tunapata wokovu kupitia uunganishaji wake (Yoh 14 :6, I Tim 2 :5). Kama Yeremia 17 :9 anavyotuambia, mtu alikuwa ‘mdanganyifu juu ya vitu vyote....’ Kwa hiyo, ili kuja kwa Mungu mtu alikuwa aenende kupitia vitu vya uumbaji, ambavyo vilikuwa katika nafasi ya Abeli kwake. Hii ni kanuni aliyoweka Mungu kufuatia ukweli huo mtu kutumia sadaka katika Toleo.

Kama ilivyofafanuliwa awali msingi ambao Masihi anaweza kuja ni Msingi wa Imani na Msingi wa Matendo uliokombolewa. Katika familia ya Adam Msingi wa Imani ulifanikiwa kujengwa na Abeli kwa kutoa sadaka ambayo Mungu aliikubali. Kwa njia hii Abeli alijithamanisha yeye mwenyewe kuwa kiongozi kwa ajili ya Msingi wa Matendo. Hata hivyo, kwa kuwa Kaini alimuua Abeli, Sharti la Malipizi la kuondoa Hulka Anguko halikuanzishwa. Hivyo, Msingi wa Matendo na kama

matokeo yake, Msingi wa Masihi, havikuwekwa, na Toleo la Mungu halikutimizwa katika familia ya Adam.

III. MSINGI KWA AJILI YA MASIHI

Kama Kaini angetimiza sharti la malipizi la kuondoa hulka anguko kwa kujinyenyekeza mbele za Abeli na kumtii, msingi wa matendo ungekuwa umejengwa katika familia ya Adam. Msingi huu pamoja na msingi wa imani, ingeweka msingi kwa ajili ya Masihi. Kwa maneno mengine kwa Abeli kutimiza sharti la malipizi ili kukomboa uhusiano wa wima na Mungu, angeweza kusimama katika msingi wa imani. Kama Kaini angerudisha utaratibu wa kawaida katika uhusiano wa mlalo na Abeli, msingi wa matendo ungekuwa umejengwa. Misingi hii yote miwili ingejumuisha msingi kwa ajili ya Masihi.

Katika msingi huu, Masihi angeweza kuja. Katika hatua hiyo ya historia ya binadamu, toleo la Mungu lilikuwa katika kiwango cha upeo wa familia, hivyo, iwapo Abeli na Kaini wangeanzisha misingi kwa ajili ya Masihi, ingekuwa katika kiwango cha upeo wa familia. Kama familia ya Adam ingefanya msingi wa aina hiyo, wangempokea Masihi na wangezaliwa upya kupitia kwake. Katika njia hii, wangukuwa



wamekombolewa na kuwa familia adilifu ambayo Mungu awali alikuwa ameikusudia, na historia mpya kabisa ingekuwa imeanza.

Badala yake, Kaini akamuua Abeli, na toleo la Mungu kwa ajili ya familia ya Adam halikutimizwa. Hata hivyo, nia ya Mungu kumwoko binadamu haibadiliki na ni yakinifu ; hivyo, hata kama Mungu hawezi kuendeleza kazi yake kupitia mtu ambaye hawezi kutimiza wajibu wake, humchagua mwingine miongoni mwa wazawa wa huyo anayemuacha kuendeleza Nia yake.